


資治通鑑

宋宋

司馬光撰
胡三省註



欽定四庫全書

資治通鑑卷第三

宋 司馬光 撰



胡三省 音註

周紀三

起重光赤奮若盡昭陽大淵獻凡二十有三年起辛丑盡癸亥也

慎靚王

諱定顯王之子也此複諡也諡法敏以敬曰慎柔德安衆曰靖靚疾正翻

元年衛更貶號曰君

顯王二十三年衛已貶號曰侯介於秦魏之間國日以削弱因更貶其號曰君更居孟翻貶悲檢翻

二年秦伐韓取鄢

春秋晉敗楚師于鄢陵即此鄢也班志作僞陵屬潁川郡鄢音謁晚翻又於建翻師古音偃史記正義曰許州鄢陵縣西

北十五里有鄢陵古城

魏惠王薨子襄王立

索隱曰系本曰襄王名嗣今按系本即世本司馬貞避唐諱改世為系考異曰史記魏世

家云惠王三十六年卒子襄王立襄王十六年卒子哀王立哀王二十三年卒子昭王立六國表惠王元辛亥終丙戌襄王元丁亥終壬寅哀王元癸卯終乙丑按杜預春秋後序云太康初汲縣有發舊冢者大得古書其紀年篇起自夏

殷周皆三代王事無諸國別也惟特記晉國起自殤叔次文侯昭侯以至曲沃莊伯皆用夏正編年相次晉國滅獨記魏事下至魏哀王之二十年蓋魏國之

史記也哀王於史記襄王之子惠王之孫也古書紀年篇惠王三十六年改元從一年始至十六年而稱惠成王卒即惠王也疑史記誤分惠成之世以為後

王年也哀王二十三年乃卒故特不稱諡謂之今王裴駟魏世家註引和嶠云

資治通鑑卷三

紀年

起自黃帝終於魏之今王今王者魏惠成王子按太史公書惠成王但言

惠王惠王子曰襄王襄王子曰哀王惠王三十六年卒襄王立十六年卒并惠襄為五十二年今按古文惠成王立三十六年改元稱一年改元後十七年卒

太史公書為誤分惠成之世以為二王之年數也世本惠王生襄王而無哀王然則今王者魏襄王也彼既魏

史所書魏事必得其真今從之孟子入見而出語人曰望之不似人君就之而

不見所畏焉

入見賢遍翻語牛倨翻

卒然問曰天下惡乎定

卒七沒翻惡音烏何也

吾對曰定于一

孰能一之

此一語魏襄王以問孟子

對曰不嗜殺人者能一之孰能與之

此語亦襄王問對曰天下

莫不與也王知夫苗乎

夫音扶

七八月之間旱則苗槁矣

孟子此言用周正也周七八月夏五六月也槁

音考乾枯也夏戶雅翻乾音干天油然作雲沛然下雨則苗浡然興之矣

油然雲盛貌沛然雨盛貌浡然興起貌沛

三年楚趙魏韓燕同伐秦攻函谷關

燕因肩翻註已見上宋白曰函谷關在弘農地理志註云謂道形如函孫卿子所謂

秦有松柏之塞是也

秦人出兵逆之五國之師皆敗走宋初稱王

四年秦敗韓師于修魚斬首八萬級虜其將鯨申差于濁澤

敗補邁翻索隱曰修魚地名鯨申差

二將名索山客翻將即亮翻鯨音瘦又疏鳩翻濁澤年表作觀澤括地志觀澤在魏州頓丘縣東十八里諸侯振恐齊大夫與蘇秦

爭寵使人刺秦殺之刺七亦翻張儀說魏襄王曰梁地方不至千里卒不過三十萬

地四平無名山大川之限卒戍楚韓齊趙之境戍春遇翻字從人從戈人荷戈所以戍也梁地南接楚西接韓

東接齊北接趙守亭障者不過十萬說文亭民所安定也道路所舍也障堡障也隔也塞也所以隔塞敵人也梁之地勢固

戰場也夫諸侯之約從盟於洹水之上結為兄弟以相堅也事見上卷顯王二十六年夫音扶從

子容翻洹于元翻今親兄弟同父母尚有爭錢財相殺傷而欲恃反覆蘇秦之餘謀其

不可成亦明矣大王不事秦秦下兵攻河外據卷衍酸棗後漢志卷縣屬河南郡酸棗縣屬陳留郡

水經註河水逕卷縣北又東至酸棗延津二邑皆河津之要也卷逵員翻衍以善翻劫衛取陽晉則趙不南趙不南則梁

不北梁不北則從道絕從道絕則大王之國欲毋危不可得也從道謂約從之路也從子容翻

故願大王審定計議且賜骸骨人臣委身以事君身非我之有矣故魏王乃倍

從約倍蒲妹翻而因儀以請成于秦張儀歸復相秦儀罷秦相相魏見上卷顯王四十七年相息亮翻魯景

公薨子平公旅立諡法由義而濟曰景布義行剛曰景

五年巴蜀相攻擊巴春秋巴子之國蜀蠶叢魚鳧之後華陽國志曰昔蜀王封其弟於漢中號曰苴侯因命其邑曰葭萌苴侯與巴王為好

資治通鑑卷三

二

後巴與蜀為讎蜀王怒伐苴侯苴侯奔巴巴求救於秦秦伐蜀蜀王敗死秦滅

蜀因遂滅巴苴置巴蜀二郡史記正義曰巴子城在合州石鏡縣南五里故墊江縣也宋白曰巴子後理閬中揚雄蜀本紀曰蜀王本治廣都樊鄉徙居成都華戶化翻苴子余翻葭音家萌謨耕翻墊音疊閬音浪俱告急於

秦秦惠王欲伐蜀以為道險陁難至陁與狹同漢書趙充國傳註而韓又來侵猶豫

未能決說文猶獲屬居山中聞人聲豫登木無人乃下世謂不決曰猶豫一說隴西謂犬子為猶犬導人行忽先忽後故曰猶豫又一說猶豫犬也犬

為人行好先行卻住以俟其人百步之間如是者數四先者豫也司馬錯請伐遂曰猶豫猶夷周翻又余救翻獲厥縛翻為于偽翻好呼到翻

蜀史記重黎之後至周宣王時為程伯休父為司馬氏錯七各翻又七故翻重直龍翻父音甫張儀曰不如伐韓王曰請聞

其說儀曰親魏善楚下兵三川攻新城宜陽伊水洛水河水為三川秦後置三川郡漢改為河南郡班志新城縣

屬河南郡括地志洛州伊闕縣本漢新城縣在州以臨二周之郊周分為東西南七十里隋文帝改新城為伊闕取伊闕山為名故曰二周

據九鼎昔夏禹貢金九牧鑄鼎象物桀有昏德鼎遷于商商紂暴虐鼎遷于周成王定鼎于郊鄩寶之以為三代共器夏戶雅翻鄩音夾鄩音辱按

圖籍圖籍謂天下之圖籍周官職方氏所掌是也挾天子以令於天下天下莫敢不聽此王業也臣

聞爭名者於朝爭利者於市今三川周室天下之朝市也朝直遙翻周禮大宗伯註云朝猶朝也欲

其來之早也人君听旦親政貴早聲轉為朝猶朝陟遙翻而王不爭焉顧爭於戎翟去王業遠矣翟與司馬狄同

錯曰不然臣聞欲富國者務廣其地欲彊兵者務富其民欲王者務博其德于況翻王欲

又如字于況翻三資者備而王隨之矣今王地小民貧故臣願先從事於易易弋夫蜀

西僻之國而戎翟之長也夫音扶長有桀紂之亂以秦攻之譬如使豺狼逐羣

羊豺狙得其地足以廣國取其財足以富民繕兵不傷衆而彼已服焉彼謂拔

一國而天下不以為暴利盡四海而天下不以為貪是我一舉而名實附也而

又有禁暴止亂之名今攻韓劫天子惡名也而未必利也又有不義之名而攻

天下所不欲危矣臣請論其故周天下之宗室也周室為天下所齊韓之與國

也鄰國相親睦周自知失九鼎韓自知亡三川將二國并力合謀以因乎齊趙

而求解乎楚魏并必正翻求解者先與之構怨隙而今求和解也以鼎與楚以地與魏王弗能止也此

臣之所謂危也不如伐蜀完完全也言以兵伐王從錯計錯七各翻起兵伐蜀

十月取之取言易也貶蜀王更號為侯貶悲檢翻而使陳莊相蜀相息蜀既屬

秦秦以益彊富厚輕諸侯蘇秦既死三年蘇秦秦弟代厲亦以遊說顯於諸侯

資治通鑑卷三

說式燕相子之與蘇代婚欲得燕權蘇代使於齊而還燕因肩翻相息亮翻燕

王噲問曰齊王其霸乎噲苦對曰不能王曰何故對曰不信其臣於是燕王專

任子之鹿毛壽謂燕王曰劉伯莊曰鹿毛壽人姓名又曰潘壽春秋後語作唐

人之謂堯賢者以其能讓天下也今王以國讓子之是王與堯同

名也燕王因屬國於子之屬之欲翻子之大重或曰禹薦益而以啓人為吏孟

天下任音傳之於益啓與交黨攻益奪之天下謂禹名傳天下於益而實令啓

自取之按或曰一段事與師春紀伊尹放太甲潛出今王言屬國於子之而吏

無非太子人者是名屬子之而實太子用事也王因收印綬自三百石吏已上

而效之子之後漢書輿服志曰三王俗化雕文詐偽漸生始有印綬以檢姦萌

貫之漢承秦制乘輿璽綬諸王以下印以金銀銅為差綬以赤紫青黑黃為差

侯大國之卿食祿以田計之為三十二夫之入戰國之卿食祿萬鍾其僭差不

度甚矣漢制三公秩萬石至于斗食佐吏凡十六等三百石吏第十等奉月四

十斛綬音受璽斯氏翻組祖五翻

子之南面行王事而噲老不聽政顧為臣反顧

也噲苦國事皆決於子之為後燕

六年王崩子赧王延立

赧王上

劉伯莊曰赧慚之甚也輕微危弱寄住東西足為慚赧故號之曰赧**諡法**本無赧字也赧音奴版翻

元年秦人侵義渠得二十五城

義渠戎國名按上卷顯王四十二年秦縣義渠以其君為臣是已得義渠矣今又侵得二十五

城何也蓋先此秦以義渠為縣君為臣雖臣屬於秦義渠之國未滅也秦稍蠶食侵其地今得二十五城義渠之國所餘無幾矣蓋秦兼并諸侯不盡其國不止也

左傳有鐘鼓曰伐無曰侵**穀梁傳**苞人民驅牛馬曰

魏人叛秦秦人伐魏

取曲沃而歸其人又敗韓於岸門

續漢志潁川郡潁陰縣有岸亭**注**引徐廣云岸亭即岸門**括地志**岸門在今許州長社縣

東北二十八里今名

韓太子倉入質于秦以和

質音致

燕子之為王三年國內大

亂將軍市被與太子平謀攻子之齊王令人謂太子曰

令盧經翻

寡人聞太子將飭

君臣之義明父子之位寡人之國唯太子所以令之

飭整也修也治也治直之翻飭君臣之義言太子平

將治子之僭王之罪也明父子之位言太子平當繼其父噲之位也令力政翻命令也號令也

太子因要黨聚眾

要一遙翻要結也使

資治通鑑卷三

四

市被攻子之不克市被反攻太子搆難數月

難乃旦翻

死者數萬人百姓恫恐

恫它紅翻

痛齊王令章子將五都之兵因北地之眾以伐燕

將即亮翻又音如字領也邑有先王之廟曰都或曰都邑

之大者北地齊之北境也蓋漢千乘清河勃海之地燕因肩翻下同乘繩證翻

燕士卒不戰城門不閉齊人取子之醢

之醢呼改翻肉醬也

遂殺燕王噲

噲苦夬翻

齊王問孟子曰或謂寡人勿取燕或謂寡人取

之以萬乘之國伐萬乘之國

古者天子之地方千里出兵車萬乘七國兼并以強大於時皆為萬乘之國乘繩證翻

五旬

而舉之

十日為旬五旬五十日

人力不至於此不取必有天殃

殃咎也禍也

取之何如孟子對

曰取之而燕民悅則取之古之人有行之者武王是也取之而燕民不悅則勿

取古之人有行之者文王是也以萬乘之國伐萬乘之國簞食壺漿以迎王師

簞竹器也圓曰簞方曰筥簞音丹食祥吏翻熟食也漿水也酢漿也筥相吏翻酢倉故翻

豈有他哉避水火也如水益深如

火益熱亦運而已矣

運轉也言燕之民將轉而之他國也

諸侯將謀救燕齊王謂孟子曰諸侯多

謀伐寡人者何以待之對曰臣聞七十里為政於天下者湯是也未聞以千里

畏人者也書曰徯我后后來其蘇

書仲虺之誥之辭徯戶禮翻待也后君也

今燕虐其民王往而征

之民以為將拯己於水火之中也拯上舉也援也救也音之凌翻簞食壺漿以迎王師若殺

其父兄係累其子弟趙岐曰係累縛結也毀其宗廟遷其重器重器國之寶鎮如之何

其可也天下固畏齊之彊也今又倍地齊并燕則地倍其舊燕因肩翻而不行仁政是動天下

之兵也王速出令反其旄倪令力政翻趙岐曰旄老旄倪弱小陸德明曰倪謂

忘也旄讀曰耄倪五兮止其重器謀於燕衆置君而後去之則猶可及止也齊

王不聽已而燕人叛是時燕人雖未立太子王曰吾甚慚於孟子陳賈曰王無

患焉乃見孟子曰周公何人也曰古聖人也陳賈曰周公使管叔監商古殷商通稱商

者以始封為國號殷者以都亳為國號按孟子陳賈只云監殷今通鑑云監商避宋廟諱也監古銜翻管叔以商畔也周公知其

將畔而使之與畔與叛同與曰不知也陳賈曰然則聖人亦有過與曰周公弟

也管叔兄也周公之過不亦宜乎且古之君子過則改之今之君子過則順之

古之君子其過也如日月之食民皆見之及其更也更工衡翻更改民皆仰之今之君

子豈徒順之又從為之辭是歲齊宣王薨子湣王地立湣讀曰閔

資治通鑑卷三

五

二年秦右更疾伐趙右更秦爵第十四師古曰左右中更皆主領更卒而部其役使也更工衡翻拔藺虜其將莊豹

莊姓有出于宋者左傳所謂戴武莊之族是也有出于楚者楚莊王之後莊躋是也齊之莊暴楚之莊辛蒙之莊周與此莊豹其時適相先後莫能審其所自

出秦王欲伐齊患齊楚之從親從子容翻乃使張儀至楚說楚王曰大王誠能聽臣

閉關絕約於齊說式芮翻閉關者古之列國各置關尹敵國賓至關尹以告則行理以節逆之閉關則距絕其使不為通也使疏吏翻臣

請獻商於之地六百里使秦女得為大王箕帚之妾於如字箕帚之妾猶言備灑掃也帚止酉翻簪也

秦楚嫁女娶婦長為兄弟之國楚王說而許之說讀曰悅羣臣皆賀陳軫獨弔陳姓出於

舜周武王封舜後于陳子孫以國為氏王怒曰寡人不興師而得六百里地何弔也對曰不然以

臣觀之商於之地不可得而齊秦合齊秦合則患必至矣王曰有說乎對曰夫

秦之所以重楚者以其有齊也夫音扶發語辭今閉關絕約於齊則楚孤秦奚貪夫孤

國而與之商於之地六百里張儀至秦必負王是王北絕齊交西生患於秦也

楚東北接齊西接秦兩國之兵必俱至為王計者不若陰合而陽絕於齊使人隨張儀苟

與吾地絕齊未晚也王曰願陳子閉口毋復言以待寡人得地毋音無毋者禁止之辭復扶又

翻再乃以相印授張儀相息亮翻厚賜之遂閉關絕約於齊使一將軍隨張儀至秦

班固百官表將軍張儀詳墮車詳讀曰佯詐也不朝三月朝直遙翻楚王聞之曰儀以寡人

絕齊未甚邪邪余遮翻乃使勇士宋遺借宋之符北罵齊王既閉關絕約則齊楚之信使不通故

使宋遺借宋符以至齊宋姓也周齊王大怒折節以事秦折而設翻齊秦之交合儀歸

而詐疾待齊秦張儀乃朝見楚使者曰子何不受地從某至某廣袤六里朝直遙翻

之交合乃朝使疏吏翻東西曰廣南北曰袤使者怒還報楚王還從宣翻又音如字楚王大怒欲發兵

而攻秦陳軫曰軫可發口言乎攻之不如因賂之以一名都與之并力而攻齊

是我亡地於秦取償於齊也償辰羊翻報也今王已絕於齊而責欺於秦是吾合齊秦

之交而來天下之兵也國必大傷矣楚王不聽使屈匄帥師伐秦屈姓也音九勿翻

三年春秦師及楚戰于丹陽索隱曰此丹陽在漢中劉昭曰南郡枝江縣有丹陽聚即秦破楚處李璽輿地紀勝曰丹陽在今歸

州秭歸縣東八里屈沱楚王城是也余按楚遣屈匄伐秦秦發兵逆擊之枝江

之丹陽則距郢逼近秭歸之丹陽則不當秦楚之路索隱因下文遂取漢中即

資治通鑑卷三

六

謂丹陽在漢中皆非也此丹陽謂丹水之陽班志丹水出上洛冢嶺山東至析

入鈞水其水蓋在弘農丹水析兩縣之間武關之外也秦楚交戰當在此水之

陽楚師既敗秦師乘勝取上庸路西入以收漢中其勢易楚師大敗斬甲士八

矣索山客翻璽與埴同屈九勿翻豕知隴翻易弋豉翻楚師大敗斬甲士八

萬虜屈匄及列侯執珪七十餘人執珪楚爵也執珪而朝者也遂取漢中郡自沔陽成固至

漢中郡之地釋名曰郡羣也人所羣聚也黃義仲十三州記曰郡之言君也改

公侯之封而言君者至尊也今郡字君在其左邑在其右君為元首邑以載民

故取名於楚王悉發國內兵以復襲秦復扶又翻戰于藍田班志藍田縣屬京兆秦

君謂之郡田縣在雍州東南八十里從藍田關入藍田縣時楚襲秦深入楚師大敗韓魏聞楚之困南襲楚至鄧

地班志鄧縣屬南陽郡杜預曰潁川召陵縣西有鄧城括地志曰故鄧楚人聞

城在豫州鄧陵縣東三十五里所謂在古召陵西十里者也召讀曰邵

之乃引兵歸割兩城以請平于秦燕人共立太子平是為昭王燕因昭王於破

燕之後言燕國為齊所破已承其後也弔死問孤與百姓同甘苦卑身厚幣以招賢者謂郭隗

曰齊因孤之國亂而襲破燕孤極知燕小力少臧文仲曰列國有凶稱孤禮也

人郭姓出於周之號公世亦謂號杜預曰列國諸侯無凶則稱寡

公為郭公隗五罪翻少始紹翻不足以報然誠得賢士與共國以雪先王之

恥謂燕王喻破國之恥喻苦夫翻孤之願也先生視可者得身事之郭隗曰古之人君有以千

金使涓人求千里馬者

春秋以來諸侯之國有涓人秦漢之間有中涓師古曰涓潔也言其在中主知潔清灑掃之事蓋王之親舊左右也應劭曰涓人如謁者涓古玄翻

灑所賣翻掃所報翻又皆音如字

馬已死買其首五百金而返君大怒涓人

曰死馬且買之況生者乎馬今至矣不期年千里之馬至者三

期讀曰暮

今王必欲

致士先從隗始況賢于隗者豈遠千里哉

言燕王若加禮於郭隗則四方之賢士聞之將不以千里為遠而來

是昭王為隗改築宮而師事之於是士爭趣燕

為于偽翻趣七喻翻

樂毅自魏往劇辛自

趙往

劇竭戟翻劇姓辛名劇姓莫知其所自出班志北海郡有劇縣蓋其先以縣為姓也

昭王以樂毅為亞卿任以國政

為燕用樂毅破齊張本

韓宣惠王薨子襄王倉立

四年蜀相殺蜀侯

相息亮翻蜀相蓋陳莊也

秦惠王使人告楚懷王請以武關之外易黔中

地

武關左傳之少習地在漢弘農郡析縣西百七十里道通南陽晉太康地志曰武關當冠軍西括地志曰武關在商州上洛縣東武關之外蓋秦丹析商

於之地黔音琴少始照翻冠工玩翻於音如字

楚王曰不願易地願得張儀而獻黔中地張儀聞之請

行王曰楚將甘心於子

楚王以墮張儀之詐故欲甘心焉

柰何行張儀曰秦彊楚弱大王在楚

不宜敢取臣且臣善其嬖臣靳尚

嬖匹計翻又卑義翻靳居焮翻姓也

靳尚得事幸姬鄭袖

鄭以國為

資治通鑑卷三

七

氏袖戰國策作衷古字也

袖之言王無不聽者遂往楚王囚將殺之靳尚謂鄭袖曰秦王甚

愛張儀將以上庸六縣及美女贖之

上庸春秋庸國班志上庸縣屬漢中郡史記正義上庸縣今房州宋白曰今房州竹

山縣古城即漢上庸縣

王重地尊秦秦女必貴而夫人斥矣於是鄭袖日夜泣於楚王曰

臣各為其主耳

為于偽翻

今殺張儀秦必大怒妾請子母俱遷江南毋為秦所魚肉

也王乃赦張儀而厚禮之張儀因說楚王曰夫為從者無以異於驅羣羊而攻

猛虎不格明矣

說式芮翻夫音扶從子容翻格當也劉伯莊曰格各額翻其字宜從手余據字書格擊也鬪也從木亦通

今王不事

秦秦劫韓驅梁而攻楚則楚危矣秦西有巴蜀治船積粟浮岷江而下

治直之翻江水

出蜀郡湔氐道之岷山故謂之岷江釋名曰江共也小流入其中所公共也

一日行五百餘里不至十日而拒扞關

徐廣曰巴郡魚復縣有扞關義曰在峽州巴山縣界扞寒旦翻

扞關驚則從境以東盡城守矣

境楚境也扞關楚之

謂扞關以東也

黔中巫郡非王之有

黔巨今翻班志巫縣屬南郡酈道元曰縣故楚之巫郡杜佑曰今歸州巴東縣是也

秦舉甲出武關則北地絕

北地楚北境之地陳蔡汝潁是也

秦兵之攻楚也危難在三月之內

難乃旦翻

而楚待諸侯之救在半歲之外夫待弱國之救忘彊秦之禍此臣所為大

王患也夫音扶為于偽翻大王誠能聽臣臣請令秦楚長為兄弟之國無相攻伐令力丁翻

楚王已得張儀而重出黔中地重難也以地為重意難割棄之乃許之張儀遂之韓說韓王曰

韓地險惡山居之如也自楚如韓也韓有宜陽成皋南盡魯陽皆山險之地說式芮翻五穀所生非菽而麥菽式竹翻

也豆國無二歲之食見卒不過二十萬見卒見在之秦被甲百餘萬被皮山東之義翻

士被甲蒙胄以會戰秦人捐甲徒褐以趨敵胄今謂之兜鍪捐與專翻棄也徒行也褐音錫袒也趨七喻翻鍪

音左挈人頭右挾生虜夫戰孟賁烏獲之士以攻不服之弱國挾戶頗翻孟賁烏獲古之勇士

賁音無異垂千鈞之重於鳥卵之上必無幸矣三十斤為鈞必無幸矣言無幸而獲全之理大王不

事秦秦下甲據宜陽塞成皋下遐稼翻塞悉則翻則王之國分矣鴻臺之宮桑林之苑非

王之有也為大王計莫如事秦以攻楚以轉禍而悅秦計無便於此者韓王許

之張儀歸報秦王封以六邑號武信君復使東說齊王曰從人說大王者復扶又翻

從人合從之人也從子容翻說式芮翻必曰齊蔽於三晉地廣民衆兵彊士勇雖有百秦將無柰

齊何大王賢其說而不計其實今秦楚嫁女娶婦為昆弟之國韓獻宜陽梁效

資治通鑑卷三

八

河外河外秦蓋以河東為河外梁則以河西為河外張儀以秦言之也趙王入朝割河間以事秦朝直遙翻河間趙地漢文

帝二年分為河間國應劭大王不事秦秦驅韓梁攻齊之南地漢泰山城陽齊南境之地也

悉趙兵渡清河指博關臨菑博關在濟州西界之博陵史記正義曰博關在博州趙兵從貝

州渡清河指博關則漯河以南臨菑即墨危矣濟子禮翻漯託合翻國一日見攻雖欲事秦不可得也齊王許張

儀張儀去西說趙王曰大王收率天下以擯秦秦兵不敢出函谷關十五年擯必

刃翻事見上卷大王之威行於山東敝邑恐懼春秋以來列國交聘行人率自稱其國曰敝邑繕甲厲

兵力田積粟愁居懾處不敢動搖懾之涉翻怖也心伏也失常也失氣也處昌呂翻唯大王有意督過

之也師古曰督過視責也索隱曰督者正其事而責之督過是深責其過也今以大王之力舉巴蜀事見慎覲王五年并

漢中事見上包兩周元年服韓魏則包兩周矣守白馬之津班志白馬縣屬東郡水經註白馬津在白馬城之西北白馬城

唐為滑州治所開山圖曰白馬津東可二十許里有白馬山山上常有白馬羣行悲鳴則河決馳走則山崩後人因以名縣及津按通鑑不語怪今此註亦近

於怪姑以秦雖僻遠然而心忿含怒之日久矣今秦有敝甲凋兵軍於澠池敝廣異聞耳

惡也凋瘁也半傷也敗甲凋兵謙其辭言軍於澠池則張其勢以臨趙矣康曰澠池趙邑余據趙與韓魏接境韓有野王上黨魏有河東河內而澠池則秦地

也漢為縣屬弘農郡趙安能越韓魏而願渡河踰漳據番吾言欲自澠池北渡河又自此東踰漳

水而進據番吾此亦張聲勢以臨趙也番吾即漢常山郡之蒲吾縣也劉昭注

史記番吾君杜預云晉之蒲邑也此說非括地志番吾故城在恒州房山縣

東二十里番音婆又音盤會邯鄲之下願以甲子合戰正殷紂之事武王伐紂癸亥陳于商郊甲子昧爽紂帥其旅

若林會于牧野前徒倒戈攻其後以北遂以勝殷殺紂張謹使使臣先聞左右

使臣上疏吏翻今楚與秦為昆弟之國而韓梁稱東藩之臣齊獻魚鹽之地齊東瀕于海海濱廣

斥魚鹽所出也此時齊未嘗獻地于秦張儀駕說以恐動趙耳此斷趙之右肩也夫斷右肩而與人鬪夫音扶斷丁管

翻失其黨而孤居求欲毋危得乎今秦發三將軍其一軍塞午道索隱曰午道當在趙之東

齊之西午道地名也鄭玄云一縱一橫為午謂交道也塞悉則翻告齊使渡清河軍於邯鄲之東邯鄲音一軍

軍成皋驅韓梁軍於河外史記正義曰河外謂鄭滑州北臨河余謂此河外亦因趙而言之一軍軍於澠池約

四國為一以攻趙趙服必四分其地言秦約齊韓魏四分趙地臣竊為大王計莫如與秦王

面相約而口相結常為兄弟之國也趙王許之當時趙於山東最強且主從約張儀說之亦費辭矣張儀

乃北之燕燕因肩翻說燕王曰今趙王已入朝効河間以事秦張儀自趙至燕借此氣勢而為是虛言以

動燕耳朝大王不事秦秦下甲雲中九原虞氏記曰趙自五原河曲築長城東至陰山又於河西造大城一箱崩不

直遙翻就乃改卜陰山河曲而禱焉晝見羣鵠遊于雲中徘徊經日見大光在其下乃

即其處築城今雲中城是也余謂此亦語怪酈道元為後魏書之耳宋白曰勝

州榆林縣界有雲中古城趙武侯所築秦置雲中郡唐為單于都護府班志九

原縣屬五原郡漢之五原即秦之九原郡也唐為豐鹽等州之地宋白曰唐豐

州治九原縣按雲中九原皆在燕之西秦自上郡朔方下兵則可至史記正義

曰古雲中九原郡皆在勝州雲中郡故城在榆林東北四十里九原郡故城在

勝州西界今連谷縣是驅趙而攻燕則易水長城非大王之有也水經註易水出涿郡故安

下遐稼翻元為于偽翻縣閭鄉西山東屈關城西南即燕長城門也易水又且今時齊趙之於秦猶郡

歷長城而東過范陽容城安次泉州縣南而東入海縣也不敢妄舉師以攻伐今王事秦長無齊趙之患矣以利動之燕王請獻常山之

尾五城以和常山即北嶽恆山也漢文帝諱恆改曰常山置常山郡班志常山在常山郡上曲陽縣西北其尾則燕之西南界張儀歸

報未至咸陽秦惠王薨子武王立索隱曰武王名蕩武王自為太子時不說張儀說讀曰悅

及即位羣臣多毀短之毀短訾毀而數其短也諸侯聞儀與秦王有隙隙乞逆翻怨隙也

釁者為有隙人之與皆畔衡復合從衡讀曰橫從子容翻以此觀之此時六國之勢利在合從而從張儀連衡者畏秦而

搖於儀之說耳

資治通鑑卷三

五年張儀說秦武王曰為王計者東方有變韓魏皆在秦之東說式芮翻然後王可以多割

得地也臣聞齊王甚憎臣臣之所在齊必伐之臣願乞其不肖之身以之梁不肖

謙言無所肖似也魏都大梁齊必伐梁齊梁交兵而不能相去言兵交不解各欲去而不能也王以其間伐

韓又居閒翻中間隙也入三川挾天子案圖籍此王業也張儀欲傾周而為秦始終以此說為主挾戶賴

翻王許之齊王果伐梁梁王恐張儀曰王勿患也言勿以為患請令齊罷兵令盧經翻使也

下乃使其舍人之楚借使謂齊王曰之往也如也不敢徑遣人使齊而往楚借使借使言借楚人以為使借子夜翻康資

昔切使甚矣王之託儀于秦也齊王曰何故楚使者曰張儀之去秦也固與秦

王謀矣欲齊梁相攻而令秦取三川也今王果伐梁是王內罷國而外伐與國

罷讀曰疲而信儀於秦王也齊王乃解兵還還從宣翻又如字張儀相魏一歲卒相息亮翻卒子恤翻

儀與蘇秦皆以縱橫之術遊諸侯致位富貴天下爭慕效之縱子容翻又有魏人

公孫衍者號曰犀首亦以談說顯名說式芮翻其餘蘇代蘇厲周最樓緩之徒紛

紜徧於天下務以辯詐相高不可勝紀姓譜曰周姓本自周平王子別封汝川人謂之周家因氏焉一云以赧王

資治通鑑卷三

十

為秦所滅黜為庶人百姓稱為周家因氏焉余按商有太史周任謂為周姓所自出夫豈不可又赧王於時未滅不可謂周最出於赧王樓姓夏少康之裔周封為東樓公子孫因氏焉師古曰紛紜興作貌又物

多而亂貌勝音升赧奴版翻夏戶雅翻少始照翻裔苗裔著而儀秦衍最著著

顯著於時孟子論之曰或謂公孫衍張儀豈不大丈夫哉一怒而諸侯懼安居而

天下熄熄滅也火滅為熄此言天下兵革之事熄滅也孟子曰是惡足為大丈夫哉惡音烏君子立天

下之正位行天下之正道得志則與民由之不得志則獨行其道富貴不能

淫貧賤不能移威武不能屈屈與同是之謂大丈夫揚子法言曰或問儀秦學

乎鬼谷術而習乎縱橫言安中國者各十餘年是夫夫音扶曰詐人也聖人惡

諸惡烏路翻曰孔子讀而儀秦行謂讀孔子之言而行儀秦之事何如也曰甚矣鳳鳴而鷙翰也

翰侯盱翻又然則子貢不為歟曰亂而不解子貢恥諸太史公曰子貢一出存魯亂齊破吳強晉

而霸越溫公曰考其年與事皆不合蓋六國遊說之士託為之辭太史公不加考訂因而記之揚子雲亦據太史公書發此語也說式芮翻說而

不富貴儀秦恥諸說式芮翻或曰儀秦其才矣乎跡不蹈已宋咸曰蹈踐也言儀秦之才術超卓自然

不踐循舊人之跡踐慈演翻曰昔在任人帝而難之書舜典而難任人孔安國註云任佞也難拒也言佞人則斥遠之任音壬

難乃不以才乎才非吾徒之才也

秦王使甘茂誅蜀相莊四年蜀相殺蜀侯秦武王故誅之史記莊作秦王魏王

會於臨晉班志臨晉縣屬馮翊故大荔也秦取之更名臨晉應劭曰臨晉水故名臨晉應劭曰臨晉水故

唐書地理志蒲州有臨晉縣宋白曰漢臨晉縣在今同州朝邑縣西南余按

城是也後魏改為北解縣周省隋分猗氏縣置桑泉縣唐天寶十二載改臨晉

縣天寶之改縣必有所據則應劭臨晉水之說未可厚非秦之臨晉在河西臣

瓚章懷之說皆是也更工衡翻應乙陵翻趙武靈王納吳廣之女孟姚吳姓以

有寵是為惠后孔穎達曰后後也言其後於天子亦以廣生子何為立何而長

本長知六年秦初置丞相以樗里疾為右丞相應劭曰丞者承也相者助也荀悅曰秦

公官樗里疾秦惠王之弟也高誘曰疾居渭南之陰鄉其

七年秦魏會于應左傳曰邗晉應韓武之穆也杜預註云應國在襄陽城父縣

應國也括地志曰故應城因應山為名古之應秦王使甘茂約魏以伐韓而令

資治通鑑卷三

十一

向壽輔行甘茂令向壽還謂王曰魏聽臣矣令盧經翻使也向式讓翻姓也

王使王驩為輔行趙岐註曰輔行副使也王使王驩為輔行副使也王使王驩為輔行趙岐註曰輔行副使也

然願王勿伐王迎甘茂於息壤而問其故柳宗元曰地長隆然而起夷之而益

壤以堙洪水意者此所謂息對曰宜陽大縣其實郡也杜佑曰春秋時列國相

大而郡小故趙鞅曰上大夫受縣下大夫受郡至于戰國則郡大而縣小矣故

甘茂曰宜陽大縣其實郡也漢官儀曰凡郡或以列國陳魯齊吳是也或以舊

邑長沙丹陽是也或以山陵泰山山陽是也或以川原西河河東是也或以所

出金城城下得金酒泉泉味如酒豫章樟樹生庭雁門雁之所育是也或以號

令夏禹合諸侯大計東冶之山會計因今王倍數險行千里攻之難倍與背同

數險謂函谷魯人有與曾參同姓名者殺人人告其母其母織自若也參所金

及三嶠之險及三人告之其母投杼下機踰牆而走杼直呂翻說文曰杼機之持

七南賢不若曾參王之信臣又不如其母疑臣者非特三人臣恐大王之投杼也魏

文侯令樂羊將而攻中山三年而拔之事見一卷威烈王二十三年令音盧經翻將即亮翻反而論功文

侯示之謗書一篋謗訕也毀也篋竹樂羊再拜稽首曰此非臣之功君之力也

稽首首至地也稽音啓今臣羈旅之臣也甘茂楚下蔡人故云然樗里子公孫奭挾韓而

議之王必聽之樗丑於翻奭施是王欺魏王而臣受公仲侈之怨也公仲侈王

曰寡人弗聽也請與子盟乃盟于息壤秋甘茂庶長封帥師伐宜陽長知文翻

八年甘茂攻宜陽五月而不拔樗里子公孫奭果爭之秦王召甘茂欲罷兵甘

茂曰息壤在彼徵前王曰有之因大悉起兵以佐甘茂佐助斬首六萬遂拔宜

陽韓公仲侈入謝於秦以請平請平猶秦武王好以力戲好呼力士任鄙烏獲

孟說皆至大官烏姓也春秋時齊有大夫烏枝鳴姓譜孟姓魯桓公之子八月

王與孟說舉鼎絕脈而薨脈莫獲翻脈者係絡臟腑其血理分行於支體之間

武王至周而卒于周蓋舉鼎者舉九鼎也世家以為龍文赤鼎史記脈作臚族孟說夷其族武王無子異母弟稷為

質於燕質音致燕國人逆而立之逆迎是為昭襄王昭襄王母芈八子芈楚姓

秦制嫡稱皇后次稱夫人又有美人良人八子七子長使少使之號美人爵視二千石比少上造八子視千石比中更芈亡氏翻楚女也實宣

太后趙武靈王北略中山之地略地之師速而疾杜預曰至房子班志房子縣

資治通鑑卷三

十二

記正義曰房子今趙州縣宋遂至代北至無窮自代北出塞外大漠數千里故

白曰天寶元年改曰臨城曰無窮戰國策武靈王曰昔先君襄王與代交地城境封之名曰史記正義曰黃華與肥

無窮之門所以詔後而期遠也蓋黃河側之山名義謀胡服騎射以教百姓騎奇曰愚者所笑賢者察焉雖驅世以笑我胡地中

山吾必有之遂胡服國人皆不欲公子成稱疾不朝朝直王使人請之曰家聽

於親親謂國聽於君今寡人作教易服而公叔不服吾恐天下議已也制國有

常利民為本從政有經令行為上令力明德先論於賤而從政先信於貴德欲

及故先論於賤卑賤者感其德則德廣所及可知矣法行故願慕公叔之義以

自貴近始故先信於貴貴近者奉法則法之必行可知矣成胡服之功也公子成再拜稽首曰臣聞中國者聖賢之所教也禮樂之

所用也遠方之所觀赴也蠻夷之所則效也今王舍此而襲遠方之服則法也

捨襲重衣也變古之道逆人之心臣願王孰圖之也使者以報王自往請之孰古熟

使疏曰吾國東有齊中山按趙都邯鄲東接於齊中山在其東北故史記趙世

史翻山同之蓋河薄落之水在趙北有燕東胡西有樓煩秦韓之邊史記正義曰營

之東與齊中山同此地險也

烏丸之地林胡樓煩卽嵐勝之北也班志雁門郡樓煩縣應劭注云故樓煩胡地嵐勝以南石州離石蘭等七國時趙邊也與秦隔河晉洛潞澤等州皆七國時韓地趙之西今無騎射之備則何以守之哉寄奇翻先時中山負齊之強兵侵邊也燕因肩翻

暴吾地係累吾民先悉薦翻引水圍鄯微社稷之神靈則鄯幾於不守也鄯趙邑漢

光武改為高邑隋唐為柏鄉縣地先君醜之以為趙國之醜故寡人變服騎射欲以備

四境之難旦難翻報中山之怨而叔順中國之俗惡變服之名惡烏路翻以忘鄯事之

醜非寡人之所望也公子成聽命乃賜胡服明日服而朝朝直遙翻於是始出胡服

令政翻而招騎射焉

九年秦昭王使向壽平宜陽平正也和也正宜陽之疆界而使樗里子甘茂伐

魏甘茂言於王以武遂復歸之韓史記正義曰武遂本屬韓近平陽楚世家云

秦拔宜陽因涉河城武遂今復歸之韓復音如字向壽公孫奭爭之不能得向式讓翻由此怨讒甘茂茂懼

輟伐魏蒲阪亡去班志蒲阪縣屬河東郡舊曰蒲應劭曰秦始皇東巡見長阪因加阪云括地志蒲阪故城在蒲州河東縣南五里阪音反

樗里子與魏講而罷兵也講和甘茂奔齊趙王略中山地至寧葭水經註衡漳水東北歷下博城

資治通鑑卷三

十三

西又西逕樂鄉縣故城南水經註諸次水出上郡諸次山其

又東引葭水注之葭音加西略胡地至榆中水東逕榆林塞世又謂之榆林山

卽漢書所謂榆溪舊塞者自溪西去悉榆柳之藪緣歷沙陵屈龜茲縣西出故

云廣長榆也王恢曰樹榆為塞謂此蘇林以為榆中在上郡非也按始皇本紀

西北逐匈奴自榆中並河以東屬之陰山然榆中在金城東五十許里陰山在

朔方東以此推之不得在上郡余謂蘇林之說固未為盡而道元所謂榆中在

金城東五十許里亦非也據衛青取河南地案榆溪舊塞正在唐麟勝二州界

其西則接古上郡之境況諸次水出上郡逕榆林塞入河則榆中在上郡之東

明矣諸次水無西流至金城榆中之理夷考其故道元特以班志金城郡有榆

中縣遂牽合以為說不知此一節之誤尤甚於蘇林也史記正義曰榆中勝州

北河北岸也杜佑曰勝州林胡王獻馬如淳曰林胡卽儋林余謂此胡種落依

榆林郡南卽秦榆林塞阻林薄因曰林胡儋都甘翻種章勇翻

歸使樓緩之秦仇液之韓王賁之楚歸謂趙王自略中山歸也仇姓也春秋時

奔康曰離之父翦之子余按離父翦子秦富丁之魏富姓也春秋時趙爵之齊

將也此王賁乃趙人康說非是將卽亮翻富丁之魏周有大夫富辰趙爵之齊

代相趙固主胡致其兵相息亮翻致楚王與齊韓合從楚與齊韓合從尋卽倍

從子

容翻

十年彗星見彗星世所謂掃星本類星末類彗小者數寸長或竟天見則兵起

指晨見則西指或長或短光芒所及則為災又曰彗星彗之屬也偏指曰彗氣

四出曰彗者彗彗非常惡氣之所生災甚於彗天文書謂五星之精為妖歲

星流為蒼彗熒惑填星散為赤彗黃彗太白辰星變為白彗黑彗祥彗歲翻又徐醉翻又旋芮翻見賢遍翻掃所報翻傳讀曰附字蒲內翻妖於遙翻填讀曰鎮趙王伐中山取丹丘爽陽鴻之塞又取鄆石邑封龍東垣史記正義曰丹丘邢州縣余按隋唐

志邢州有內丘縣漢之中丘縣也未嘗有丹丘不知其何據爽陽鴻之塞史記正義作華陽鴻之塞括地志曰北岳別名曰華陽臺即常山也在定州恒陽縣北百

四十里徐廣曰鴟作鴻鴻上故關今名汝城在定州唐縣東北六十里又有鴻上水出唐縣北葛洪山山接北岳恆山皆在定州界班志石邑縣屬常山郡井

陘山在西括地志石邑故城在恆州鹿泉縣南三十五里封龍山一名飛龍山在恆州鹿泉縣南四十五里邑蓋因山為名洪氏隸釋載後漢所立白石碑云

常山國元氏縣界有封龍山東垣即漢真定國之真定縣漢高帝更名史記正義曰趙之東垣在恆州真定縣南八里故常山城是也鄆呼各翻垣于元翻華

戶化翻恆戶登翻鴟丑中山獻四邑以和秦宣太后異父弟曰穰侯魏冉同父之翻陘音刑更工衡翻

弟曰華陽君半戎王之同母弟曰高陵君涇陽君魏冉最賢秦封穰侯于陶陶即范蠡所居陶邑

孟康曰陶即定陶班志定陶縣屬濟陰郡下云封于穰與陶穰縣屬南陽郡去定陶差遠水經注曰穰侯封于穰益封于陶其免相也出之陶而卒陶有穰侯

冢穰音人羊翻華陽即武王歸馬之地水經注洛水自上洛縣東北分為二水枝渠東北出為門水水東北歷陽華之山即華陽也華音戶化翻半眉婢翻相

息亮翻卒子恤翻冢知隴翻班志高陵縣屬馮翊涇陽縣屬安定杜佑曰京兆涇陽縣乃秦封涇陽君之地漢涇陽縣在今平涼郡界涇陽故城是也宋白曰

雍州涇陽本秦舊縣與杜佑同索隱曰高陵自惠王武王時任職用事武王薨君名顯涇陽君名悝索山客翻悝苦回翻

資治通鑑卷三

十四

諸弟爭立唯魏冉力能立昭王惠王即惠文王昭王即昭襄王昭王即位以魏冉為將軍衛咸

陽是歲庶長壯及大臣諸公子謀作亂長知丈翻魏冉誅之及惠文后皆不得良死

惠文后昭王嫡母也悼武王后出居于魏悼武王后即秦武王后昭王嫂也王兄弟不善者魏

冉皆滅之王少宣太后自治事任魏冉為政威震秦國少詩照翻治直之翻為范睢間魏冉張本

十一年秦王楚王盟于黃棘史記正義曰黃棘蓋在房襄二州余按班志秦復南陽郡有棘陽縣應劭曰縣在棘水之陽秦復

與楚上庸三年秦敗楚師虜屈勾取楚上庸

十二年彗星見彗祥歲翻又徐醉翻旋芮翻見賢遍翻秦取魏蒲阪晉陽封陵晉陽按史記世家作陽晉其地當在

蒲阪之東風陵之西大河之陽且本晉地也故謂之陽晉蘇秦所謂衛陽晉之道蓋以魏境有陽晉故在衛境者稱衛陽晉以別之括地志曰晉陽故城今名

晉城在蒲州虞鄉縣西水經注函谷關直北隔河有崇阜巍然獨秀世謂之風陵酈道元所謂函谷則潼關也史記正義曰封陵在蒲州唐志河中府河東縣

南有風陵關今若據又取韓武遂九年秦歸韓武遂齊韓魏以楚負其從親九年楚與

括地志則晉陽亦通蓋即負之也合兵伐楚楚王使太子橫為質于秦以請救質音致秦客卿通將兵

救楚三國引兵去將即亮翻又音如字領也

十三年秦王魏王韓太子嬰會于臨晉韓太子至咸陽而歸秦復與魏蒲阪音阪

反去年秦取魏蒲阪秦大夫有私與楚太子鬪者太子殺之亡歸楚太子質秦而亡歸復

陷其父齊乘其父出而要之以利

十四年日有食之既秦人取韓穰班志穰縣屬南陽郡以時考之當屬楚然韓

間一彼一此或者此時穰屬韓歟穰人羊翻蜀守輝叛秦秦司馬錯往誅之紀作蜀侯華陽國志曰

秦封王子輝為蜀侯蜀侯祭歸胙於王後母疾之加毒秦庶長奐會韓魏齊兵

以進王大怒使司馬錯賜輝劍守音狩輝索隱音暉秦庶長奐會韓魏齊兵

伐楚修楚太子亡歸敗其師於重丘殺其將唐昧遂取重丘唐姓本於唐堯春秋之時有二重丘

衛孫蒯飲馬於重丘杜預曰曹邑諸侯同盟于重丘杜預曰齊地時楚之境皆

不至此呂氏春秋曰齊令章子與韓魏攻荊荊使唐蔑將兵應之夾泚而軍章

子夜襲之斬蔑于是水之上水經注曰泚水又西澳水注之水北出苾丘山南

入于泚水意者重丘即苾丘也敗補邁翻將即亮翻昧荀子作蔑楊倞註曰與

昧同語音相近當音末索隱音趙王伐中山中山君奔齊

十五年秦涇陽君為質於齊質音致秦華陽君伐楚大破楚師斬首三萬殺其將

景缺取楚襄城班志襄城縣屬潁川郡有西不羹楚靈王所謂大城陳蔡不羹

作更字乘繩證翻楚王恐使太子為質於齊以請平為楚懷王入秦而卒齊秦樗里疾

卒以趙人樓緩為丞相樗丑於翻卒子趙武靈王愛少子何欲及其生而立之

少詩照翻及其生者及其生而親見之

十六年五月戊申大朝東宮朝直遙翻傳國於何王廟見禮畢出臨朝廟見始即位

見賢遍翻大夫悉為臣肥義為相國并傳王相國之官始此秦漢因之漢魏以武靈

王自號主父主父言為國之主之父也一主父欲使子治國身胡服將士大夫

西北略胡地治直之翻將即將自雲中九原南襲咸陽於是詐自為使者入秦

使疏吏翻欲以觀秦地形及秦王之為人秦王不知已而怪其狀甚偉非人臣之度

賓主相見交際之禮已方怪其非人臣使人逐之主父行已脫關矣審問之乃主父也謂已脫身

秦人大驚齊王魏王會于韓秦人伐楚取八城秦王遺楚王書曰始寡人與王

約為兄弟盟于黃棘見上十一年太子入質至驪也質音致見太子陵殺寡人

之重臣不謝而亡去見十寡人誠不勝怒勝音使兵侵君王之邊謂戰重丘今

資治通鑑卷三

聞君王乃令太子質于齊以求平

見十五年

寡人與楚接境婚姻相親

妻父曰婚婿父曰姻字書

婚昏也禮娶以昏時婦人陰也故曰婚婿家女之所因故曰姻字林婚婦家姻婿家賈公彥曰各據男女身則男曰昏女曰姻若以親言之則女之父曰婚婿之父曰姻余按張儀言秦楚嫁女娶婦為昆弟之國考之於史自赧王四年至是年秦楚未嘗嫁娶也至十九年楚懷王死于秦至二十三年楚襄王逆婦於秦蓋先已約親其後襄王終喪始逆婦成婚姻而今秦楚不驩則無以令諸侯
令力政翻寡人願與君王會

武關面相約結盟而去寡人之願也楚王患之欲往恐見欺欲不往恐秦益怒

昭睢曰毋行而發兵自守耳

睢息遺翻又七余翻

秦虎狼也有并諸侯之心不可信也懷

王之子蘭勸王行王乃入秦秦王令一將軍詐為王伏兵武關楚王至則閉關

劫之與俱西至咸陽朝章臺如藩臣禮

朝直遙翻秦章臺宮在渭南漢張敞走馬章臺街孟康曰在長安中臣瓚曰街

在章臺下漢長安在渭南以此言之章臺宮在渭南明矣瓚藏旱翻

要以割巫黔中郡楚王欲盟秦王欲先得地

楚王怒曰秦詐我而又彊要我以地

要一遙翻黔其今翻疆其良翻又其兩翻

因不復許秦人留之

復扶又翻

楚大臣患之乃相與謀曰吾王在秦不得還要以割地而太子為質於齊

還從宣翻又音如字要一遙翻質音致

齊秦合謀則楚無國矣欲立王子之在國者昭睢曰王與

資治通鑑卷三

十六

太子俱困於諸侯今又倍王命而立其庶子不宜

睢息隨翻倍蒲妹翻

乃詐赴于齊

詐言楚王

薨而請太子還王楚

齊潛王召羣臣謀之或曰不若留太子以求楚之淮北

潛讀曰閔楚滅陳蔡封畛

於汝滅越取吳故地并有古徐夷之地皆在淮北即楚所謂下東國

齊相曰不可郢中立王

郢楚都班志南郡江陵縣故楚郢都楚文

王自丹陽徙此後九世平王城之又後十世秦拔之東徙壽春亦名曰郢水經江水東逕江陵縣故城南又東逕郢城南注云今江陵城楚船官地春秋之渚

宮郢城即子囊遺言所城者劉昫曰故楚都之郢城今江陵縣北十五里紀南城是也相息亮翻

是吾抱空質而行不義於天

下也

質音致

其人曰不然郢中立王因與其新王市曰予我下東國吾為王殺太

子

市謂相要以利如市道也予讀曰與為于偽翻

不然將與三國共立之

三國謂齊韓魏

齊王卒用其相計而

歸楚太子

卒子恤翻

楚人立之秦王聞孟嘗君之賢使涇陽君為質於齊以請孟嘗

君來入秦秦王以為丞相

質音致

十七年或謂秦王曰孟嘗君相秦必先齊而後秦

先後皆去聲

秦其危哉秦王乃以

樓緩為相囚孟嘗君欲殺之孟嘗君使人求解於秦王幸姬姬曰願得君狐白

裘狐白裘緝狐掖之皮為之所謂千金之裘非一狐之掖者也

孟嘗君有狐白裘已獻之秦王無以應姬求

客有善為狗盜者入秦藏中

物之所藏曰藏音徂浪翻

盜狐白裘以獻姬姬乃為之言于王

而遣之

為于偽翻

王後悔使追之孟嘗君至關關法雞鳴而出客時尚蚤

蚤古早字通追

者將至客有善為雞鳴者野雞聞之皆鳴孟嘗君乃得脫歸楚人告于秦曰賴

社稷神靈國有王矣秦王怒發兵出武關擊楚斬首五萬取十六城趙王封其

弟為平原君

班志平原縣屬平原郡勝封於東武城號平原君非封於平原也東武城屬清河郡杜佑曰今貝州武城縣是也蓋定襄有武城時

同屬趙故平原君好士

好呼此加東也

食客嘗數千人有公孫龍者善為堅白同異之辯

漢書藝文志公孫龍子十四篇注云即為堅白同異之辯者成玄英莊子疏云

公孫龍著守白論行於世堅白即守白也言堅執其說如墨子墨守之義自堅

白之論起辯者互執是非不勝異說公孫龍能合衆異而為同故謂之同異史

記注曰晉太康地記云汝南西平縣有龍淵水可用淬刀劍極堅利故有堅白

之論云黃所以為堅也白所以為利也或曰黃所以為平原君客之孔穿自魯

適趙

按孔叢子孔穿孔子之後孫恂曰孔姓殷湯之後本自帝嚳元妃簡狄吞

乙始為孔氏至宋孔父遭華督之難其子奔魯故孔與公孫龍論臧三耳

三耳如莊

子生於魯恂彌克翻譽苦沃翻華戶化翻難乃旦翻實無定體故雞可以為三足則兩耳三耳其說亦猶是耳一說耳主聽兩耳形

資治通鑑卷三

十七

也兼聽而言可得為三臧臧獲之臧臧獲奴婢也

龍甚辯析

辯別也析分也言分別甚精微也

子高弗應俄而辭出明

日復見平原君

子高孔穿字也復扶又翻

平原君曰疇昔公孫之言信辯也

毛晃曰疇曩也昔夕也疇昔曩

夕先生以為何如對曰然幾能令臧三耳矣

毛晃曰然如也是也語決辭雖然

實難僕願得又問於君今謂三耳甚難而實非也謂兩耳甚易而實是也不知

君將從易而是者乎其亦從難而非者乎平原君無以應明日謂公孫龍曰公

無復與孔子高辯事也

易弋豉翻

其人理勝於辭公辭勝于理終必受訕鄒衍過趙

過古平原君使與公孫龍論白馬非馬之說

此亦莊子所謂狗非犬之說疏云狗之與犬一實兩名名實合則此

為狗彼為犬名實離則狗異於犬又墨子曰狗犬鄒子曰不可夫辯者別殊類

也然殺狗非狗殺犬也大指與白馬非馬之說同

使不相害序異端使不相亂抒意通指

夫音扶別彼列翻索隱曰抒音墅明其

所謂使人與知焉不務相迷也

與音如字又讀曰預

故勝者不失其所守不勝者得其所

求辯以求是辯雖不勝而得審其是所謂得其所求也

若是故辯可為也及至煩文以相假飾辭以相悖

悖都昆翻迫也詆也誰何也

巧譬以相移引人使不得及其意如此害大道夫繳紉爭言而

競後息

索隱

繳音糾康吉弔切非言其言戾紛然而爭欲人先屈務在人後方止也

不能無害君子衍不為也座皆

稱善

言一座之人皆稱衍言為善

公孫龍由是遂訕

通鑑

書此言小辯終不足破大道訕音敕律翻說文曰訕貶下也又讀與屈同

資治通鑑卷三

十八

資治通鑑